

ՀԱՅ ԺՈՂՈՎՐԴԱԿԱՆ ՍՆԱՀԱՎԱՏԱԿԱՆ ԶՐՈՒՅՑՆԵՐԻ ԴԱՍԱԿԱՐԳՄԱՆ ՀԱՐՑԻ ՇՈՒՐՋ

ԱՎԱՐԴ ՂԱԶԻՅԱՆ

Հայ բանահավաքների ջանքերով անցյալ դարի երկրորդ կեսից սկսած բանահյուսական այլ ժանրերի նմուշների հետ միասին Հայաստանի տարբեր շրջաններից զրի են առնվել սնահավատական բազմաթիվ զրույցներ, որոնց մի մասը տպագրվել է, իսկ մեծ մասը պահպանվում է ձեռագիր աղբյուրներում: Սնահավատական զրույցների նմուշներ հայտնի են դեռևս V դարի պատմագրական կրկերից:

Սնահավատական զրույցը հայ ժողովրդական բանահյուսության ոչ-հեքիաթային արձակի ժանրերից է: Այն անցյալի բանավոր ավանդության մեջ ունեցել է լայն տարածում: Ժողովրդական հավատալիքների ու պատկերացումների վերացման հետ սնահավատական զրույցները ևս աստիճանաբար վերանում են, սակայն շարունակում են դեռ մասամբ կենցաղավարել, ինչպես վկայում են բանահյուսական նորագույն գրառումները: Իբրև առանձին, ինքնուրույն ժանր սնահավատական զրույցը հայ բանագիտության կողմից մինչև հիմա ամբողջական քննության չի արժանացել: Եղել են միայն ազգագրական և բանահյուսական այլ երևույթների հետազոտության հետ կապված թուուցիկ ակնարկներ¹, մասնակիորեն հետազոտվել են՝ կապված ավանդությունների հետ²: Զեկուցում է կարդացվել սնահավատական զրույցներում գործող շար ու բարի ոգիների մասին³:

Սնահավատական զրույցը մեկ դրվագսնի պատմվածք է ժողովրդական այս ու այն հավատալիքի կամ պատկերացման մասին: Զրույցի նպատակն է ունկնդրին տեղեկություն հաղորդել հավատալիքի, պատկերացման վերաբերյալ, հալատ ներշնչել պատմվածքի նյութի հավաստիության նկատմամբ: Այն ունի հուշապատումի բնույթ, իբրև պատմողի կամ նրա բանավոր սկզբնաղբյուրի հետ անցյալում (մոտիկ կամ հեռավոր) պատահած իրական դեպք, դիպված: Զրույցի գործող անձինք սովորաբար լինում են մի կողմից գեթեմական էականը՝ սատանա, մեռած նախնիներ, սրբեր, մարդկային հոգու անձնավորումներ, սուրբ բույսեր, թռչուններ ու կենդանիներ, մյուս կողմից իրական մարդիկ՝ հայտնի անուն-ազգանունով, աշխարհագրական որոշակի միջավայրով: Սնահավատական զրույցի ժամանակը մոտ է բանահյուսությունը կրողների ժամանակին: Գործողությունը կատարվում է կամ ասացողի, կամ ասացողին քաջ հայտնի մի անհատի հետ:

Սնահավատական զրույցն ունի ընդգծված տեղական-ազգային բնույթ, չնայած իբրև ժանր լայնորեն տարածված է աշխարհի շատ ժողովուրդների բանահյուսության մեջ: Զրույցին տեղական-ազգային կոլորիտ է հաղորդում ոչ միայն նրա սյուժեն (դա կարող է լինել նաև ոչ-ազգային, այսինքն՝ իբրև հավատալիք գոյություն ունենա տարբեր ազգերի կենցաղում), այլև հատկապես գործողության տեղի՝ բնակավայրի, գյուղի, հանդամասի անունների ու գործողության մասնակիցների՝ իրական անհատների անունների առկայությունը:

1 Մ. Արեղյան, Երկեր, հ. Ա, Երևան, 1966, էջ 153:

2 Ա. Ղանալյան, Ավանդապատում, Երևան, 1969, էջ 4-6:

3 А. Назпнян, Устные рассказы о злых и добрых духах в армянском фольклоре («Тезисы докладов, посвященных итогам полевых этнографических и антропологических исследований в 1974—1975 гг.», Душанбе, 1976), с. 205.

Սնահավատական գրույցը մեկ դրվագի կամ պատմվածքի շրջանակներում ներկայացնում է մարդու և գերբնական էակների, անձնավորումների հանդիպումը, բախումը, որը հաճախ ավարտվում է մարդու պարտությունով: Իբրեկանոն, գրույցներում հանդիպումը, բախումը տեղի է ունենում բնական արտասովոր պայմաններում և մարդկային հոգեկան ոչ սովորական վիճակներում: Բնական, աշխարհագրական հանգամանքներից առավելապես նշվում են մուլթ ու խուլ անտառներն ու ձորերը, ամալի դաշտերը, քարայրները, ավեր բնակավայրերն ու ջրաղացները: Հանդիպումը սովորաբար տեղի է ունենում գիշերը: Մարդկային հոգեկան վիճակներից գրույցներում հատկապես հիշատակվում են քունը, երազը, ինքնամոռացությունը, ուշաթափությունը, հիվանդությունը: Բախման արդյունքն էլ լինում է արտասովոր՝ մահ, խեղադարձություն, հիվանդություն և այլն:

Ջրույցի պատմելաոճն ազատ է, սովորական, սուօրևական, այն իր հյուսվածքում չի ներառում ոչ մի կանոնիկ արտահայտություն: Մինչդեռ բանահյուսական այլ ժանրերը, օրինակ՝ հեքիաթը, վեպը, երգը, ունեն կայուն արտահայտչական միջոցներ՝ սկիզբ, ավարտ, կրկնակ և այլն: Սնահավատական գրույցը գերծ է այդ բոլորից:

Այսպիսով, սնահավատական գրույցի ժանրային հատկանիշները պայմանավորված են նրա հասարակական դերով, նպատակադրումով, այն է՝ հավաստիություն հաղորդել ներկայացվող ազգագրական իրողությունը: Այս առումով սնահավատական գրույցը ոչ միայն բանահյուսական ստեղծագործություն է, այլ միաժամանակ ազգագրական փաստ, ժողովրդի առասպելական մտածողության դրսևորման մի ձև: Երբեմն ազգագրական այս կամ այն իրողությունը չի վկայվում իբրև կենցաղում առկա իրակություն, բայց հանդիպում է սնահավատական գրույցներում, այդ դեպքում բանահյուսությունն է աղբյուր ծառայում ազգագրությունը:

Հայ ժողովրդական սնահավատական գրույցներում տեղ գտած հավատալիքներն ու պատկերացումները, առասպելական էակների ու ոգիների անձնավորումները շերտավորված են տարբեր ժամանակաշրջանների նստվածքներով ու աղբյուրություններով: Նշանավոր հայագետ Ղ. Ալիշանը⁴, Մ. Աբեղյանը⁵ այդ հավատալիքների դասակարգման ու հետազոտության հարցերին նվիրել են հատուկ աշխատություններ: Անցել է շուրջ մեկ դար, սակայն այդ աշխատությունները չեն կորցրել իրենց գիտական արժեքն ու նշանակությունը: Դա հատկապես վերաբերում է Մ. Աբեղյանի աշխատությունը: Այժմ հրապարակի վրա է բանագետ Ս. Հարությունյանի՝ հայ ժողովրդական առասպելներին նվիրված հոդվածաշարը⁶:

Հիմք ընդունելով սնահավատական գրույցներում առկա կերպարները, պատկերացումներն ու հավատալիքները, կատարել ենք հետևյալ խմբավորումը. գրույցներ. 1. ոգիների, 2. սրբերի, սրբավայրերի ու սուրբ իրերի, 3. սուրբ բույսերի, կենդանիների ու թռչունների, 4. փոխակերպություն, 5. հոգեառ հրեշտակի, հոգու, հանդերձյալ կյանքի, 6. հմայության ու բանադրանքի մասին: Անդրադառնանք դրանց՝ առանձին-առանձին:

1. Զրույցներ ոգիների մասին: Այս խմբում ստվարաթիվ են սատանաների վերաբերյալ գրույցները: Տարբեր ազգագրական շրջաններում սատանաները տարբեր անուններով են հանդես գալիս: Այրարատում, Արցախում, Սյունիքում՝ սաաաանա, Բաջ, Բաջ, Վասպուրականում, Ակնում, Նոր Նախիջևանում՝ ալլաաաա, մեզմե՛ն աղեի, Հարբում (Բուլանը)՝ փեթի, Համշենում՝ փեթի, ցին, ալ և այլն: Սատանա անվանումը գործ էածվում զուգահեռաբար և առավել ընդհանրական է ազգագրական բոլոր շրջանների համար: Սատանան ստորին

⁴ Ղ. Ալիշան, Հին հավատք կամ հեթանոսական կրոնք հայոց, Վենետիկ, 1895:

⁵ Մ. Աբեղյան, Հայ ժողովրդական հավատքը, Երևան, հ. է, Երևան, 1975 (առաջին անգամ լույս է տեսել 1899 թ., լայպցիգում, գերմաներեն լեզվով):

⁶ «Мифы народов мира», т. I, М., 1980, т. II, 1982.

ստորագրաբանության տարածված անձնավորումներից է։ Ըստ զրույցների նա կարող է լինել թե՛ կին, թե՛ տղամարդ, մարդու նման տարիք ունենալ (Արցախ-Սյունիք)։ Մարմինը սև է, մազոտ, ունի բարակ ու կեռ պոչ, չաթալ կոտոշներ, մանր, կրակի նման այքեղ (Շիրակ)։ Ուտում է խավիթ, հալվա, ծննդկանի լյարդ, փայծաղ (Սյունիք, Զավախք)։ Բոլոր շրջանների զրույցներում սատանան աներկայացվում է քաղաքի ու թաղի կողմից, իսկ աղջկան՝ նախապատերազմից։ Սատանան էն Բեկար, ոտդուն՝ Սաթիել, իսկ աղջկան՝ Նարմաղուշիկ։ Սատանան հաճախ հանդես է գալիս ոչ իր բուն կերպարանքով, այլ իբրև սև ուլ, աքաղաղ, ջադու պառավ, շուն, կառու (Վասպուրական, Համշեն, Զավախք)։ Նա մահկանացու է, մեծ մասամբ մեռնում է կայծակի հարվածից, որից խույս տալու համար պատուարվում է ավեր ջրաղացներում, ժայռերի մոլթ ծերպերում, քարայրներում ու ձորերում, աղբյուրի ակերում, ծառերի փշակների մեջ, նաև մարդկանց թևի տակ։

Համաձայն զրույցների, սատանաները բարդկանց վնասելու նպատակով դործադրում են զանազան միջոցներ։ Այսպես, մեկին խաբելու համար իրենց ձայնը նմանեցնում են նրա մեռած կամ կենդանի հարազատների ձայնին⁷, նվագում են հարսանեկան հրավերքի, պարի ուրախ եղանակներ, ընդունում են նրա ծանոթի, բարեկամի կամ որևէ կենդանու կերպարանք։ Այդ եղանակով նրանք ցանկացած մարդուն մոլորեցնում են, շեղում ճանապարհից, հանում տանում տնից, կործանում, եթե զոհը ժամանակին ուշքի չի գալիս, չի սթափվում։ Օրինակ, զրույցը պատմում է, թե մի մարդ իրենց գյուղի ձորի մոտով անցնելիս տեսնում է, որ հաղսանքավորներ են գալիս։ Նրան էլ են հրավիրում մասնակցելու ուրախությանը։ Մարդը գլխի է ընկնում, որ քաջքերի հարսանիք է և վախից խելագարվում է (Լոռի, Արցախ)։ Ըստ մի այլ զրույցի, նույնը պատահում է մի կնոջ հետ, բայց սրա ոտքը ջուրն է ընկնում, սթափվում է ու վերադառնում տուն⁸։

Սատանաները հատկապես թշնամաբար են տրամադրված նորածին երեխաների ու ծննդկանների հանդեպ։ Ըստ տարբեր շրջաններում գոյություն ունեցող հավատալիքների ու զրույցների, քաջքերը գողանում են ծննդկանների լյարդը՝ պատճառելով նրանց ծանր, անբուժելի հիվանդություն (Սյունիք, Զավախք, Նոր Բայազետ, Նոր Նախիջևան)։ Սատանաները գողանում են նաև նորածին երեխաներին, որի համար նրանց օրգոցազուղ են անվանում։ Քարայրում ապրող սատանաները մոտակա գյուղից գողանում են նորածին երեխային և տեղը դնում երեխայի խրտվիլակի, իրենց թաքնվում ու հետևում, թե մայրը ինչ պետք է անի (Արցախ)⁹։ Երեխաներին գողանում, փոխում են աղեկ-նաֆ, հուր-փերիներ (Արցախ, Հարք)¹⁰, դեբը, որոնք նաև հափշտակում են ծննդկանների լյարդը (Շիրակ)¹¹։ Փոխված երեխաները սկսում են նիհարել, շարունակ լաց են լինում, նրանց փախածուրիկ են անվանում (Հարք)։ Մ. Աբեղյանը հալ ժողովրդական հավատալիքներին նվիրված իր աշխատության մեջ դիտել է բանավոր ավանդույթով պահպանված ժողովրդական զրույցի, հավատալիքի ու Մ. Խորենացու Արտավազդի մասին հաղորդած առասպելի կապը¹²։

Սատանաները, ըստ զրույցների, ունենում են երեխաների ու իբրև մանկաբարձ հրավիրում են շրջակա բնակավայրերի կանանց։ Նոր Նախիջևանում

7 Հնագիտության և ազգագրության ինստիտուտի բանահյուսական արխիվ (այսուհետև՝ ՀԱԻՐԱ), FFIV, 5159:

8 «Ազգագրական հանգես» (այսուհետև՝ ԱՀ), գ. 10, Թիֆլիս, 1903, էջ 208, ՀԱԻՐԱ, FFIX, 9051, 5121:

9 ՀԱԻՐԱ, FFIX, 8695:

10 ԱՀ, գ. Բ, Թիֆլիս, 1897, էջ 226, գ. Զ, Թիֆլիս, 1900, էջ 14:

11 «Եմինյան ազգագրական ժողովածու» (այսուհետև՝ ԷԱԺ), հ. Ա, Մոսկվա-Ալեքսանդրապոլ, 1901, էջ 170, 195:

12 Մ. Աբեղյան, Երկեր, հ. է, էջ 88:

մեզմեն աղեկներ մանկաբարձին հյուրասիրում, վարձատրում են գոգնոցի փեշը սոխի կճեպ լցնելով, որը ոսկի է դառնում, եթե ընդունվում է վերջինիս կողմից¹³։

Ջրուլցներում պահպանված են որոշ տեղեկություններ սատանաների շարունակները խափանելու մասին։ Այդ նպատակով օգտագործում են մետաղե (երկաթե և պողպատե) իրեր, նշխարներ կամ խաչակնքում են, աղոթք մըրմընջում, Քրիստոսի անունը տալիս։ Սատանաները վախենում են կայծակից, աքաղաղի կանչից, խոզի անունը տալուց, կատվից, մադր կտրելուց։ Բազմաթիվ զրուլցներ են պատմվում վերոհիշյալ միջոցների գործածությամբ սատանաներին հալածելու ու բռնելու վերաբերյալ։

Տարբեր ազգագրական շրջաններում (Արարատ, Արցախ-Սյունիք, Վասպուրական, Լոռի, Գանձակ, Ակն, Շիրակ, Ջավախք) պատմվում է մի զրուլց աննշան տարբերություններով։ Ջրուլցի ընդհանուր պատկերը հետևյալն է։ Սատանան գիշերով սողոսկում է գոմը, հեծնում այնտեղ գտնվող ձին, ըշում, չարչարում, հլուսում նրա բաշի մագեղը։ Ձիատեղը հասկանում է, որ դա սատանայի գործն է. ձիու մեջքին կուպո է քսում, բռնում սատանային՝ մարմինը ասեղ խրելով, նրա մագից մի փունջ կտրելով, ենթարկում իրեն։ Սատանան այնուհետև յոթ տարի ծառայում է մարդուն։ Ուշագրավ է, որ նրան տրվող առաջադրանքները պետք է ասվեն հակառակ իմաստով։ Դիցուք՝ եթե պետք է ջուր բերի, անհրաժեշտ է ասել՝ գնա կուժը կտորի և այլն։ Այսպիսով, բացառապատվում է սատանայի բնության մյուս՝ մարդուն նպաստավոր կողմը։

Որոշ ազգագրական գոտիների զրուլցների համաձայն, սատանան մարդուն սովորեցնում է զանազան հմտություններ՝ կրակ, ձեթ ստանալու եղանակները, կլայեկելը և այլն։ Սատանան մարդուն կարող է հարստացնել, նրա համար անել այնպիսի գործեր, որ վեր են մարդու կարողություններից։ Ջավախքում պատմում են, թե ինչպես սատանան վերացնում է ջրաղացպանի կուլը¹⁴։

Տարբեր ազգագրական շրջաններից հայտնի են զրուլցներ հիվանդություն հարուցող ոգիների, ցավերի մասին։ Գանձակում ցավերը պատկերվում են երևիսաների կերպարանքով։ Հարքում շնոֆոք ծանր հիվանդություն առաջացնող ոգու անունը նույնպես շնոֆոք է։ Սա այնպիսի արտաքինով արարած է, կրում է կնգուղ և ձեռքին ունի կանաչ ճիպոտ, որի հարվածից մարդիկ հիվանդանում, մեռնում են։ Լոռիում ծաղիկ հիվանդությունը բերում են պառավ կանայք, դող հիվանդությունը՝ մի աննշմառելի էակ։ Մի կին պատմում է, թե ինչպես երկու պառավ կին գիշերը գալիս, իրեն դուրս են կանչում, դեղին փոշի տալիս ու իրենք անհետանում։ Ինքը փոշին ցանում է գյուղի տներում. առվտյան պարզվում է, որ այդ տներում ծաղիկ հիվանդություն է առաջացել¹⁵։ Նույնատիպ զրուլցներ կան նաև կենդանիների ցավերի վերաբերյալ։ Որոշ ազգագրական շրջաններում զրուլցներ են կենցաղավարել մարդուն օգնող, բարեբեր ոգիների վերաբերյալ։ Այսպես, զրուլցներ են պատմում ծննդկանին ու նորածնին օգնող շոբեմուտ, ուրբաթմուտ, կիրակմուտ և ապա ընտանիքի, օջախի բարեկեցությունը մաղմանավորող ոգիների մասին։

Մենդկանին օգնող ոգիները գործում են նրա օգտին միայն այն դեպքում, երբ կինը, նրա ամուսինը օրինապահ են գտնվում։ չորեքշաբթի, ուրբաթ, կիրակի օրերին շեն աշխատում, աղոթում են։ Ըստ զրուլցի, մի հղի կին հորդորում է ամուսնուն պահել կիրակին, սա չի լսում։ Կիրակի օրը գնում է ձուկ որսալու։ Հայտնվում է կիրակմուտը՝ երիտասարդ ձիավորի կերպարանքով, ձկնորսին գցում գետը, խեղդում (Լոռի)¹⁶։ Ջավախքում չորեքմուտն ու ուրբաթմուտը կին են, կիրակմուտը՝ տղամարդ, որին նաև շիշեմեք են կոչում։ Տղամարդ ոգին կանխանշում է նորածնի ապագան, մինչդեռ առաջին երկուսը

¹³ ԱՀ, գ. Ա, Շուշի, 1895, էջ 325, 327, գ. 9, Թիֆլիս, 1902, էջ 55։

¹⁴ ԱՀ, գ. Ա, էջ 330։

¹⁵ ԱՀ, գ. 10, էջ 212։

¹⁶ ԱՀ, գ. 9, էջ 249։

կնոջը օգնում են ծննդաբերության ժամանակ: Վասպուրականում երեքն էլ կինն են ու կատարում են նույն դերը:

Տաճն զովյաք անունով ընտանիքի բարեկեցությունը ապահովող ոգին նույն դիրքով է հանդես գալիս առանձին սզգագրական շրջանների զրույցներում, լայց ունի տարբեր անձնավորումներ: Արցախում, Լոռիում, Շիրակում այդ ոգին ունի օձի կերպարանք: Նա հանդիստ ապրում է տան մեջ, ոչ մեկին վնաս չի պատճառում, օգնում է, նպաստում տան բարգավաճմանը: Լոռիում տան զովյաթը հանդես է գալիս մարդկային կերպարանքով. սա մի էակ է, որ կալույթ է անտեսանելի տեղավորվել փոքր հարսի ճակատին¹⁷: Հարքում տան զովյաթը ծեր մարդ է, բնակվում է դոմի մսուրքի վերին մասում: Ջավախքում նա երիտասարդ ձիավոր է, որին կոչում են նաև ղսմաթ, բնակվում է այնտեղ, ուր մեծարվում է¹⁸: Բասենում տան զովյաթին կոչում են Թուխ-մանուկ, մեծարում աղա աիտղոսով: Երբ ընտանիքը բնակավայրը փոխում է, աղան միշտ չէ, որ համաձայնվում է ու նոր տունը հովանավորում¹⁹:

Մարդուն օգնող բարի ոգիները զրույցներում իրենց բնույթը դրսևորում են ոչ թուր պայմաններում: Օգնությունը, բարիքը հայցվում ու տրվում է միայն սրինապահության դեպքում: Երբ կարգը, արգելքը խախտվում է, այդ նույն բարի ոգիները կարող են վնասել մարդուն կամ իրենց բացակայությամբ այնպիսի վիճակ ստեղծել, որ շար ոգիները գործեն աղատ ու համարձակ:

2. Զրույցներ սրբերի, սրբավայրերի ու սուրբ իրերի մասին: Հայաստանի տարածքում զուլուխուն են ունեցել բազմաթիվ մատուռներ, ուխտավայրեր սուրբ, իսա-նահատակ ընդհանուր անվամբ, կառուցված մեծ մասամբ բարձունքներին, որոնց ժողովուրդը պաշտամունք է մատուցել: Պաշտվել են ոչ միայն սրբավայրերը, այլև այնտեղ բնակվող սրբերն ու պահվող իրերը: Սրբավայրերի մեծ մասը քրիստոնեության հետ առնչվում է անվանապես և կրում է վստիչական հավատալիքների ու պատկերացումների հետքեր: Զրույցներում սրբերը հանդես են գալիս մարդու կերպարանքով, գլխավորապես սպիտակահեր ծերունու տեսքով: Շիրակում կենցաղավարած զրույցում ս. Գևորգը երազներում երևացել է իբրև հագած-կապած, զենք ու զրահով հեծյալ²⁰: Նույն շրջանում զրույցներ են պատմել Շեկ Ավետարանի, Փաղիշահ Ավետարանի, Հալիվոր անունով սուրբ հմայիլի մասին: Այս սուրբ իրերը զորություն են ստացել իրենց ստեղծող-ծաղկող վրիչներից, որոնք օժտված են եղել գերբնական հատկություններով: Սրանք կարող են մարդկանց այցելել ծեր կամ ջահել տղամարդու, Թաշուրի կերպարանքով²¹:

Զրույցներում սրբերը, սրբավայրերն ու սուրբ իրերը, ներառյալ մեռած նախնիների դերեզմանները, ըստ հանգամանքների, կարող են լինել օգնող, շնորհատու և թե՛ մեծարվում, սիրաշահվում են, և պատժող, վնասատու և թե՛ սրհամարհվում, մատնվում են մոռացության: Մշո ս. Կարապետի, Մոկսի Փոթկու ս. Գևորգի, Արցախի Դիզափայտի վանքերը համարվել են շնորհատու: Սրբավայրերը կարող էին պարգևել բանաստեղծելու, գուշակության, հեքիմության, լարախաղացի շնորհներ, օտար լեզուների իմացություն և այլն: Ըստ զրույցի, Թաղարեցի աշուղ Առստամը աշուղական արվեստն ու թուրքերենի իմացությունը ստացել է Դիզափայտի սրբից (Արցախ)²²: Նույն ունակությունները աշուղ Սարգիսը ստացել է մոր գերեզմանից (Արցախ)²³: Դեպքերը տեղի են ունեցել աշուղների երեխայության տարիներին, ընդ որում, երկու զրույցում էլ շեշտվում են գործող անձերի անզգա, քնած վիճակները:

17 ԱՀ, գ. 10, էջ 204:

18 ԱՀ, գ. Ա, էջ 363—360:

19 ԷԱԺ, գ. Ա, էջ 164:

20 ԷԱԺ, գ. Ա, էջ 162—163:

21 Նույն տեղում, էջ 163—165:

22 ՀԱԻՐԱ, FFX, 7141—7149:

23 Նույն տեղում, Բ. Ղազիյանի ֆոնդ, 1980, գ. 1:

Սրբերը, սրբավայրերն ու սուրբ իրերը մեծ ներգործություն ունեն մարդու առողջական վիճակի վրա, նրանք բուժում են հիվանդներին, նույնիսկ հարուստներն տալիս մահացածներին, եթե մեծարվում, պաշտվում են: Հիվանդանում են մեծ մասամբ երեխաները, սովորաբար խորհրդավոր հանգամանքներում. սկսում են նիհալել, ուշաթափվել, լեզուն կապվում է, աչքերը չին տեսնում, չեն կարողանում քայլել և այլն: Մեկը հուշում է, թե ինչ պետք է անել, որ սրբին դիմել: Մի երեխա չի կարողանում քայլել: Խորհուրդ են տալիս երեխայի հասակի բարձրությունը երկու կերոն գնել, եկեղեցում վառել, երեխայի ոտքերը լվալ երկու սուրբ համարվող գերեզմանների վրա, գերեզմանի հողով ցուր անել, խմեցնել երեխային: Այդպես էլ անում են, երեխան ոտքի է կանգնում (Շիրակ)²⁴:

Մի շարք զրույցներ են հայտնի, թե ինչպես սրբերն ու սրբավայրերը ալատում, պատուհասում են իրենց անարգողներին ու արհամարհողներին: Այս զրույցները նույնատիպ են և ունեն միանման վերջաբան. պատիժը, պատուհասը վերացվում է շնորհիվ եռանդուն անձնվեր պաշտամունքի:

3. Զրույցներ սուրբ բույսերի, կենդանիների ու բույսերի մասին: Հայաստանի տարրեր ազգագրական շրջաններում անցյալում, մասամբ նաև մեր օրերում գոյություն է ունեցել որոշ ծառատեսակների, բույսերի, կենդանիների ու թռչունների պաշտամունք: Սուրբ են համարվել ու պաշտվել տնջրի, թիբեռնի, ուռի, թթի, ընկույզի, կաղնի, թղկի, թեղի, սոսի ծառերն ու պուրակները, ապա շունը, կատուն, ծիծեռնակը, առագիլը, կոտնկը, կաշաղակը, որոնց վերաբերյալ կենցաղավարել են բազմաթիվ զրույցներ:

Պատմում են, որ մի գյուղացի իրենց բնակավայրի սուրբ համարվող տնջրի ծառից ճյուղ է կտրել, որի պատճառով շուտով մեռել է, իսկ տուն ու տեղը քայքայվել²⁵: Նույնատիպ զրույց հայտնի է Գանձակից²⁶: Ըստ մի այլ զրույցի, արգելվում է կտրել նույնիսկ չորացած սուրբ ծառի ճյուղերը. մի քուրդ խախտել է այդ արգելքը, մի այգայիսի ծառից ճյուղ է կտրել, կտրացել է (Վասպուրական)²⁷: Հատկանշական է, որ ծառերի վերաբերյալ զրույցներում գործող անձինք մեծ մասամբ մահմեդականներն են (քուրդ, թուրք), որոնք և խստիվ պատժվում են արգելք խախտելու համար²⁸: Ծառերը զրույցներում մարդկանց օգնող, բարիք բերող ուժեր են. հատկապես նպաստում են որդեծնությունը (պտղաբերությունը): Լոռեցի մի ամուլ կին երեք անգամ անցնում է սուրբ ծառի մեջ գոյացած անցքից և երեխա է ունենում²⁹: Նույնատիպ զրույցներ են կենցաղավարում կենդանիների, թռչունների մասին: Մեկը կտրում է ծիծեռնակի լեզուն, և նրա երեխաները համր են ծնվում (Արցախ, Լոռի)³⁰: Մի ուրիշը կաշաղակի ոտքերից հարդ է կապում, վառում, մի տարի անց այրվում է նրա երեխան (Արցախ)³¹: Լոռեցի մի որսորդ, երբ սպանում է զույգ կոտնկներից մեկին, տեսնում է, թե ինչպես կենդանի կոտնկը ողբում է ընկերոջ մահը: Շուտով հիվանդանում է որսորդի որդին ու կոտնկի ձայնով սգում իր վիճակը և ապա մեռնում³²:

Հայ ժողովրդական ավանդություններում, ինչպես նաև սնահավատական զրույցներում կատվի, ծիծեռնակի, կաշաղակի վերաբերյալ պատկերացումներն ու հավատալիքները միահյուսվել են աստվածաշնչային ավանդություններին, բայց ակնհայտ է, որ դրանց պաշտամունքի հետքերը թաղված են խոր հնու-

24 ԷԱԺ, հ. Ա, էջ 166:

25 ԱԶ, գ. Բ, էջ 200:

26 ԱԶ, գ. Զ, էջ 336—337:

27 ԱԶ, գ. 25, Թիֆլիս, 1914, էջ 38:

28 ԱԶ, գ. Զ, էջ 335—338:

29 ԱԶ, գ. 10, էջ 185:

30 ԱԶ, գ. Բ, էջ 205, գ. 10, էջ 190:

31 ԱԶ, գ. Բ, էջ 206—207:

32 ԱԶ, գ. 10, էջ 190:

Յյան մեջ: Քննությունը տանում է դեպի բուսական ու կենդանական աշխարհի հովանավոր ոգիների մասին հայերի նախնական պատկերացումները:

4. Զրույցներ փոխակերպության մասին: Հայաստանի ազգագրական շրջաններում դրույցներ են կենցաղավարում մարդկանց՝ գալլի, արջի, արագիլի փոխակերպվելու մասին: Հայնորեն տարածված են գալլի փոխակերպվելու զրույցներն ու հավատալիքները: Էջմիածնում, Հարքում, Զավախքում, Արցախ-Սյունիքում, Վասպուրականում հավատում են, թե երկնքից ինչ-որ կարկտանման բան է թափվում ու երբ մարդիկ ուտում են, գալլ են դառնում: Հատկապես այդ պատահում է երիտասարդ կանանց, հարսների հետ: Այդպիսի գալլերին մաք-դագվել են անվանում: Գալլ դառած վիճակում մարդիկ մնում են յոթ տարի, հետո մորթին ընկնում է, և մարդը վերստանում է իր նախկին կերպարանքը: Հերակել մարգարայլը պահում է իր մորթին, գիշերը հանում, դուրս գալիս որսի: Իթե մեկը գտնի մորթին, ոչնչացնի, մարդագալլը կարող է ժամանակից շուտ դուրս գալ իր վիճակից: Մարդագալլը սնվում է նոր թաղած ննջեցյալների, երիտանորդի³³, Ըստ զրույցի, մի որսորդ գիշերն անտառում հանդիպում է մի կնոջ, որը ծառի տակ կրակով միս էր խորովում, ուտում: Զգուշորեն մոտենում է, կնոջը կապում, մորթին գտնում, վառում: Պարզվում է կնոջ որսեղացի լինելը, լուր են ուղարկում նրա հարազատներին, դալիս են, տանում (Արցախ)³⁴: Նույնատիպ զրույցներ հայտնի են Շիրակում³⁵:

Հարքում կենցաղատարած զրույցը հաղորդում է, թե զմիկ ցեղին պատկանող մի կին հղի վիճակում, գետի ափին լեշ է տեսնում և խիստ ցանկություն է ունենում այդ մսից ուտելու: աստծու հրամանով արջ է դառնում և սկսում ուտել³⁶: Նույն գավառում զրույցներ են կենցաղավարել մարդու՝ արագիլ դառնալու մասին: Մի մարդ ընկնում է արագիլների միջավայրը: Արագիլները նրան լողացնում են գետում, և նա դառնում է արագիլ, հասկանում է նրանց լեզուն, իմանում կնոջ կորցրած ոսկե ապարանջանի տեղը: Մի անգամ էլ նույն գետում լողանալիս նրա վրայից արագիլի մաշկն ընկնում է, ու նա տուն է վերադառնում³⁷: Փոխակերպության վերաբերյալ զրույցների տվյալների համադրումը հավատալիքների հետ թույլ է տալիս ասելու, որ գալլը, արջը, արագիլը հայկական լեռնաշխարհի բնիկների համար հանդիսացել են տոտեմ կենդանիներ:

5. Զրույցներ հոգեառ հրեշտակի, հոգու, հանդերձյալ կյանքի մասին: Հոգեառ հրեշտակը զրույցներում, նույնիսկ մեկ շրջանի սահմաններում, ներկայացվում է տարբեր կերպարանքներով: Ըստ նոր Բայազետում պատմվող մի զրույցի, նա բարձրահասակ է, արեգակնափայլ, իրենից ճառագայթներ է արձակում: Նրան տեսել է մի կին, հիվանդի սնադրի մոտ³⁸: Նույն կինը հոգեառ հրեշտակին ներկայացնում է իբրև մի հոգ գունդ³⁹: Վասպուրականում հրեշտակը նույն ինքը գրուլն է, նրան տալիս են Փութիկ, Շուտիկ անունները: Շիրակի զրույցներում գրողը կարող է լինել և՛ կին, և՛ տղամարդ: Մահն ու գրողը հղբայրներ են, մահը ավագն է, գրողը՝ կրտսերը⁴⁰: Պատմում են, թե ինչպես մի հիվանդ մաքառել է գրողի հետ, հաղթել և հոգեդարձ է եղել⁴¹: Գրողը շրջում է գզիրով, որը սովորաբար ընտրվում է տվյալ բնակավայրի մարդկանցից: Սրանք գրողին առաջնորդում են ծանր հիվանդների մոտ:

Հոգին, ըստ արցախահայերի զրույցների, ունի թռչունի կերպարանք: Մի պառավ կին հիվանդ թոռան հետ ծառի տակ նստած է լինում: Ննջում է, երագում տեսնում, թե ինչպես թոռան բերանից աղավալի դուրս թռավ ու նստեց

33 ԱՀ, գ. Ա, էջ 370—371, գ. Բ, էջ 226—227, գ. 25, էջ 59:

34 ԱՀ, գ. Բ, էջ 227:

35 ԷԱԻ, հ. Ա, էջ 197:

36 ԱՀ, գ. 2, էջ 14:

37 Նույն տեղում, էջ 43—44:

38 ԱՀ, գ. 16, Թիֆլիս, 1907, էջ 58—59:

39 Նույն տեղում:

40 ԷԱԹ, հ. Ա, էջ 168:

41 Գ. Սրվանձտյանց, Երկեր, հ. 1, Երևան, 1978, էջ 145:

ծառի ճյուղին: Երբ արթնանում է, թոռանը գտնում է մեռած⁴²: Գրավոր ու բանավոր ավանդույթով բազմաթիվ դրույցներ են հայտնի մեռած մարդկանց ուրվականների, հոգու անձնավորումների վերաբերյալ: Տարբեր շրջաններում դրանց տարբեր անուններ են տալիս՝ խորլաղ (Գանձակ, Ջավախք), զոռնատար, կյուռնատապ (Վասպուրական, Նոր Բայազետ), զոռնափշտիկ (Շիրակ, Լոռի), խորթլաղ, զոռնատար, զոռնափշտիկ են դառնում սովորաբար մահմեդական ննջեցյալները, քրիստոնյա, բայց ոչ քրիստոնեական ծեսով թաղվածները, որոնք զանազան կենդանիների, մանավանդ կատվի, շան կերպարանքով շրջում են գիշերները: Մեկը գիշերն անցնում է թուրքերի գերեզմանատան մոտով և երկու շուն է տեսնում, որոնց իր հետ տուն է բերում: Առավոտյան շների փոխարեն տեսնում է երկու դիակ: Վերստին տանում է գերեզմանատուն, թաղում՝ նախապես կրծքներին մի-մի մեկ խփելով⁴³: Նույնատիպ դրույցներ կենցաղավարել են Գանձակում, Վասպուրականում:

Հանդերձյալ աշխարհ են գնում սովորաբար տեսիլի միջոցով: Գրեթե բոլոր ազգագրական շրջաններում հայտնի են եղել տեսիլ գնացողներ, որոնց մասին դրույցներ են հորինվել ու կենցաղավարել: Տեսիլքի հիմքը մարդու ուրվական, անզգա վիճակն է, որը կարող է ստեղծվել ինչպես հոգեկան ծանր ապրումներից, այնպես էլ արհեստական միջոցներով: Այսպես, մի գյուղացու տղան մեռնում է: Նա եկեղեցում որդու դիակը գրկած երկաթ ժամանակ լաց է լինում ու ուշաթափվում: Ուշքի է գալիս մի երկու օր անց ու պատմում, թե ինչպես որդու հոգու հետ դրախտ է գնացել, զրույցել աստծո հետ (Արցախ)⁴⁴: Ըստ Շիրակում կենցաղավարած դրույցի, մեկը 40 օր փակ ու մութ սենյակում նրստում է, քաղցած ու ծաղավ, վեցհազարյու ուսադմոս ընթերցում անընդմիջ և ձեռք բերում «տեսիլք գնալու», մազե կամրջից անցնելու, դժոխքն ու դրախտն այցելելու ընդունակություն⁴⁵: Այցելողները ընդգծված առարկայական գծերով են պատկերում դժոխքն ու դրախտը, ըստ իրենց հայեցողության ծանոթ նրնջիցյալներին հատկացնելով համապատասխան տեղեր, նույնիսկ կենդանի մարդկանց մատնացույց անում նրանց համար կանխորոշված տեղերը (Հարք)⁴⁶:

6. Զբույցներ հմայության ու բանադրանքի մասին:

Հայաստանի ազգագրական բոլոր շրջաններում դրույցներ են հայտնի ևղել բանադրության, հմայության, չառ աչքի գործով մարդու, կենդանական ու բուսական աշխարհի վրա ներգործելու վերաբերյալ: Ըստ դրույցների, այս կամ այն անհատին հմայելու, բանադրելու ունակություն տրվում է սրբից, սրբավայրից և փոխանցվում է ժառանգաբար: Ներգործելու կարողություն տրվում է ի ծնե: Ըստ նոր բայազետցիների, Քրիստոսի ծննդյան կամ զատկի գիշերը ծնվածները օժտված են լինում գուշակելու շնորհքով⁴⁷, իսկ Շիրակում պատմում են, օր ջրօրհների երեկոյան և զատկի ախարի առավոտը ծնվածները լինում են գուշակ ու իմաստուն⁴⁸:

Անցյալում, մասամբ նաև մեր օրերում, տարածված են եղել բազմաթիվ դրույցների աղոթքների, գիր անելու միջոցով ցանկալի երևույթը հարուցելու և ոչ-ցանկալին խափանելու վերաբերյալ: Մի ձևավոր ճանապարհորդելիս հանդիպում է յոթ գալի: Քանի որ ձիավորը չառքերից ու գալիներից պաշտպանվելու նպատակով օգտագործել էր հմայական միջոցներ, գալիները մոտենում են ձիուն, հոտոտում ու հեռանում (Շիրակ)⁴⁹: Ըստ շիրակցիների հմայելու միջոցով մարդուն կարելի է նույնիսկ կերպարանափոխել արագիլի, օձի⁵⁰:

42 ԱՀ, գ. Բ, էջ 185:

43 ԱՀ, գ. 17, Թիֆլիս, 1908, էջ 103:

44 ԱՀ, գ. Բ, էջ 186:

45 ՀԱԺ, հ. Ա, էջ 233—234:

46 ԱՀ, գ. Զ, էջ 55:

47 ԱՀ, գ. 17, էջ 112:

48 ՀԱԺ, հ. Ա, էջ 180:

49 ՀԱԺ, հ. Ա, էջ 174:

50 Նույն տեղում, էջ 179:

Ձրույցներում հիշատակվում են գուշակության հետևյալ ձևերը՝ եղունգ նայել, քասի նայել, գարի գցել, քիզ չափել, նետ դնել և այլն: Հատկապես հավատում են մահմեդական հոգեդրականների կախարդության ուժին: Ըստ մի գրույցի, որ կենցաղավարել է Շիրակում, պարսիկ դերվիշը թուլում է հայ երեխաներին, որ օձից պաշտպանված լինեն⁵¹:

Ինչպես անցյալում, այնպես էլ մեր օրերում, Հայաստանի բոլոր բնակավայրերում մատնանշում են այս կամ այն անհատին, որը աչքի զորությամբ կարող է վնաս պատճառել շրջապատին: Այդ ներգործուն ուժով օժտված են համարում հատկապես կապուտաշյա մառդկանց (չախալաշք): Շիրակում, Ակնում աչքով տալուն ասում են նազար: Արցախահայերը չար աչքի ազդեցությունը խափանելու համար ասում են՝ աչքը քարին: Աչքահույունքի գործածությունը ևս տեսնվում է այլ սովորության հետ: Պատմում են, որ Ակնում շարայք մի պառավ կին է ապրել, երբ բերել են քարի մոտ, նայել է, ասել՝ այս ինչ մեծ քար է, քար պալթել է⁵², նմանատիպ գրույցներ են պատմում Սիսիանում: Այս կապակցությամբ տեղին է հիշել Մովսես Խորենացու հաղորդած գրույցը Երվանդ արքայի վերաբերյալ⁵³:

Ձրույցներ են պատմում չար աչքի ներգործությունը խափանելու նպատակով օգտագործվող միջոցների վերաբերյալ: Մի շարք շրջաններում հավատում են բռնի ծառից պատրաստած իրերի ուժին: Հայր ու տղա անցնում են մի արտի մոտով, ուր մի գուլաղացի վար է անում: Հայրը, հայտնի չարաշք, եզանը աչքով է տալիս, բայց չի աղղում: Պարզվում է, որ եզան սամին բռնուց է: Երբ փոխում են, եզն իսկույն սատկում է: Այս անգամ որդին է աչքով տալիս հորը՝ «ինչ ուժիդ աչք ունես», հայրն է մեռնում⁵⁴:

Անահավատական գրույցների առաջադիվող դասակարգումը առաջին փորձն է և չի կարող սպառել հարցի վերջնական ու ամբողջական քննությունը: Այն ներկայացնում է սովյալ ժանրի հիմնական պատկերը: Դոյություն ունեցող բանահյուսական նյութը հարուստ է ու բազմազան և հետագա հետազոտությամբ կարող են ի հայտ գալ որոշ ազգագրական շրջաններում անահավատական գրույցների նոր ենթախմբեր, կապված ժողովրդական հավատալիքների տարբեր շերտերի հետ:

ОБ АРМЯНСКИХ НАРОДНЫХ СУЕВЕРНЫХ РАССКАЗАХ

АЛВАРД ГАЗИЯН

Резюме

Суеверный рассказ — один из распространенных жанров несказочной прозы традиционного армянского фольклора. До настоящего времени армянскими фольклористами он исследован мало. Между тем изучение и классификация суеверных рассказов имеет не только фольклористическое, но и этнографическое значение. В основу исследования легли рукописные и печатные материалы, накопленные за последние сто лет из разных историко-этнографических районов Армении. Суеверные рассказы сгруппированы, исходя из действующих в них персонажей и представлений: 1) о духах; 2) о святых, святых местах и предметах; 3) о святых растениях, животных и птицах; 4) об оборотничестве; 5) о душе и потустороннем мире; 6) о колдовстве и заговаривании. Предлагаемая классификация дает общее понятие о жанре, однако не исчерпывает проблему исследования.

⁵¹ Նույն տեղում, էջ 236:

⁵² Ա. Քասիկյան, Հնությունը Ակնա, Թիֆլիս, 1895, էջ 159:

⁵³ Մովսես Խորենացի, Պատմություն Հայոց, Երևան, 1961, էջ 198:

⁵⁴ ԱԶ, գ. Բ, էջ 241: